

影印
文淵閣

四庫全書

影印

文淵閣四庫全書

第五二八冊

北京出版集團公司
北京出版社

本冊目次

福建通志(二)

清

郝玉麟等監修
謝道承等編纂

……一

欽定四庫全書

史部
福建通志卷十七

詳校官監察御史_臣陳化龍
檢討_臣德生覆勘

總校官檢討_臣何思鈞
校對官典簿_臣劉景岳
謄錄監生_臣沈毓鳳

欽定四庫全書

福建通志卷十七

封爵

閩僻界南服非戰爭之地自騶無諸及搖以夏肄之餘助漢處項耐勲啟封遂有南土不數傳而江淮徙戶閩地為墟延及孫吳以訖於唐代有胙封是不一姓然皆未運人微無足述者陳元光父子三世德造於閩至今漳湖之民猶歌舞之他如王審知之綏輯救寧廟食人祖留從効陳洪進之不忘起家順天歸命莫不息兵寧人一方比賴由此觀之爵位何常惟忠貞不渝威惠兼著者始克保世承家盟於帶礪至於後嗣弗率黜帥怙權覆墜之機有如影報廢興之際盖有土若斯之難也我國家混一區寓式遏亂畧

聖祖仁皇帝神聖英武削平三藩出閩人於湯火之內數十年來海疆寧謐民不知兵閒訪釣龍逸事騎馬

欽定四庫全書

福建通志
卷十七

雄圖穆然但見山丹而水碧蓋天下之平久矣列

紀甌越開宗以及

本朝爵邑亦如齊晉燕趙列於世家為胙土命氏者

之法戒云志封爵

福州府

漢閩越王無諸越東海王搖

越王勾踐之後也姓賜氏秦并天下廢為君長以其

地為閩中郡及諸侯叛秦無諸與搖率越歸番君吳芮從諸侯滅秦當是時項羽主命不王之漢擊項籍

無諸與搖率越人佐漢伐楚高帝五年復立無諸為閩越王王閩中故地都東冶無諸卒郢繼立

欽定四庫全書

福建通志卷十七

三年舉高帝時功曰閩君搖功多其民便服迺立搖為東海王都東甌世號曰東甌王

郢無諸之子初孝景三年吳王濞反欲從閩越未

肯行獨東甌從及吳破東甌受漢購殺吳王丹徒吳王子子駒亡入閩越怨東甌使人告急天子天子遣

三年閩越發兵圍東甌東甌使人告急天子天子遣中大夫嚴助發會稽兵救之未至閩越引兵去六年

閩越與兵擊南粵南粵守天子約不敢擅發兵而以聞漢多南粵義遣大行王恢出豫章大司農韓安國

出會稽兩道擊之兵未踰嶺郢發兵距險其弟餘善與宗族謀曰漢兵衆強即幸勝之後來益多滅國乃

止今殺王以謝天子天子罷兵國完不聽乃力戰不勝即入海皆曰善即殺郢遣使者奉王頭上符璽請

所立恢等便宜案兵告大司農使使奉王頭馳報天子詔罷兩將軍兵以繇君丑獨不與謀迺使中郎將立丑為越繇王奉無諸祭祀

丑無諸孫閩越別封於繇曰繇君既立為王餘善以殺

聞之曰餘善首誅郢師得不勞因立餘善為東越王與繇王並處

餘善從樓船將軍擊南粵相呂嘉等兵至揭陽以海風

波為解不行持兩端陰使南粵及漢破番禺樓船將軍楊僕請引兵便擊東越上不許今屯豫章梅嶺以

待命明年秋餘善聞楊僕請誅之漢兵留境遂發兵距漢道號將軍賜力等為吞漢將軍入白沙武林梅

嶺殺漢三校尉自稱武帝退保泉山既更徙處南行去泉山五百里居大澤中朱買臣言於帝請發兵浮

海直指泉山陳舟列兵席捲南行可破滅也上遣橫海將軍韓說出句章浮海從東方往樓船將軍楊僕

出武林中尉王溫舒出梅嶺越侯為戈船下濶將軍出若邪白沙擊之元封元年冬入東越繇王居股殺

欽定四庫全書

福建通志卷十七

餘善以其衆降

居股繇王既殺餘善以降上以閩地阻悍數反覆改封

居股東成侯萬戶詔軍吏皆將其民徙處江淮間東越地

遂虛粵衍侯吳陽陽前在漢漢使歸諭餘善餘善不聽及橫

陽餘善誅封陽為卯石侯

粵建成侯教善誅封教為開陵侯

吳孫亮永安三年黜為侯官侯

東晉孔坦咸和中封

劉宋柳元景 沈慶之 孝建中俱封

晉安王子勛 邑二千戶泰始二年伏誅

周盤龍 泰始三年封晉安郡晉安

晉平王休佑 文帝第十子初封山陽王泰始四年改封六年以休佑貪虐不可治民留京邑卒

子並徙晉平郡元徽元年聽還都

原豐縣侯宣彥 休佑次子泰始末封尋免

齊晉安王子懋 武帝第七子初封江陵公建元四年進封

晉安王寶義 字智勇明帝長子建武元年封梁受禪封巴陵郡王諡曰隱

欽定四庫全書

福建通志

四

晉安郡王寶寅 字智亮明帝第六子建武初封後改封鄱陽王中興二年謀反奔魏

晉安王綱 武帝第三子天監五年封大寶元年入即位是為簡文帝

晉安郡王方智 元帝子承聖元年封紹泰元年自潯陽入即位是為敬帝

陳寶應 侯官人父羽為郡雄豪梁時晉安數反累殺郡將羽初煽惑成其事後復為官軍鄉導破之由

是郡兵權由已出侯景之亂晉安太守賓化侯蕭雲以郡讓羽羽令寶應典兵侯景平元帝以羽為晉安

太守陳武帝輔政羽請歸老求傳郡於寶應武帝許之紹泰三年封侯官縣侯武帝受禪授閩州刺史領

會稽太守文帝即位加其父光祿大夫仍命宗正錄其本系編為宗室寶應娶留異女為妻侯安都之討

異寶應遣兵助之又資周迪兵糧出冠臨川及都督章昭達破迪文帝因命討寶應詔宗正絕其屬籍寶

應據建安湖際逆拒昭達深溝高壘不與戰但命為韓俄而水成乘流放之突其水柵寶應眾潰執送京師斬

陳晉安王伯恭 字肅之文帝第六子天嘉六年封

唐福王綰 順宗第五子永貞元年封

王潮 字信臣光州固始人父恁世業農潮為縣史唐末僖宗入蜀羣盜起壽春人王緒劉行全攻陷固始

聞潮及弟審邦審知俱材勇召從軍中以潮為軍正是時蔡州秦宗權方募士以益兵緒以光壽二州籍

附焉乃以緒為光州刺史他日責租賦於光州緒不能應宗權怒發兵攻緒緒懼與行全拔眾南走悉舉

二州兵渡江轉掠江洪虔州光啟元年陷汀漳有眾數萬緒以道阻糧少令軍中無得以老弱自隨犯者

欽定四庫全書

福建通志

五

斬時潮兄弟扶其母以從緒切責潮曰吾聞軍行有法無不法之軍對曰人皆有母不聞有無母之人緒怒命斬其母潮曰潮等事母如事將軍既殺其母安用其子請先母死將士皆為之請乃止會母死不敢哭夜殯道左有氣者謂緒軍中當有暴興者緒潛視部將有勇畧及氣質魁岸者多因事殺之眾懼軍次南安潮說前鋒將劉行全曰吾屬棄墳墓妻子而為盜者為緒所脅耳今緒雖猜將吏之材能者必死吾屬不自保朝夕況欲圖成事哉行全大悟與潮相持而泣乃選壯士伏篁竹間擒緒緒自殺眾推行全為將軍辭曰我不及潮請以為主潮固辭不克迺除地刺劍祝曰拜而劍三動者奉以為主至其弟審知拜劍躍於地眾以為神羅拜之審知讓潮自為副潮今於軍曰今天子蒙難當出交廣入巴蜀以獎王室遂引兵將還光州戒其屬所過秋毫無犯行及沙縣泉州人張延魯等以刺史廖彥若貪暴帥耆老奉牛

酒迎潮潮泉逾年克之遂有其地福建觀察使陳
巖表湖為泉州刺史大順二年巖病名潮欲授以軍
政未至而巖卒其壻范暉自稱留後潮遣從弟彥復
為都統審知為都監攻之經年不下白潮罷兵潮報
曰兵盡並兵將盡並將兵將盡吾當自往彥復等懼
親犯矢石破之暉棄城走為將士所殺潮入城自稱
留後素服葬巖以女妻其子延誨厚撫其家汀建二
州皆舉聽命潮盡有五州地是歲唐即以潮為福建
觀察使黃連洞蠻圍汀州潮遣兵擊破之閩地畧定
乃遣僚佐巡州縣還流亡勸農桑定租稅交好鄰封
保境息民閩人安之乾寧三年唐以福州為威武軍
拜潮為節度使檢校尚書左僕射四年卒贈司空弟
審知嗣

王審邽

字次都唐乾寧元年權泉州事三年實授四年
加工部尚書五年加金紫光祿大夫檢校戶部

欽定四庫全書

福建通志
卷十七

六

尚書光化二年加兵部尚書瑯琊郡開國男三年加
左僕射進封開國侯尋授威武軍節度副使天復二
年加司空三年加司徒進封開國伯食邑七百戶在
政十二年為人喜儒術通春秋善吏治流民還者假
以牛犁興完廬舍中原亂公卿多來依審邽如右省
常侍李洵翰林承旨知制誥兵部侍郎韓偓中書舍
人王滌右補闕崔道融大司農王標吏部郎中夏侯
淑司勳員外郎王拯刑部員外郎楊承休弘文館直
學士楊贊圖王侔集賢殿校理歸傳懿等皆入閩賴
以免禍因遣子延彬作招賢院禮之尋卒諡曰武肅
長子延彬唐天祐初審知為瑯琊王奉詔三品以下
得自除授乃墨勅延彬權知泉州軍州事二年實授
梁開平三年加金紫光祿大夫轉右僕射封瑯琊郡
開國男尋轉司空四年加雲麾將軍乾化二年授特
進階加檢校太保進封開國伯五年加檢校太傅開
國侯貞明四年閩王簡授管内三司發運副使次子

延鈞後唐天成元年以節度行軍司馬檢校太傅權
泉州刺史後殺延翰而自立僭號改元三子延美閩
龍啟二年刺泉州四子延武閩永和元年刺泉州尋
加太傅進開國伯至閩王昶通文元年移刺建州延
彬子繼崇後唐長興元年閩王墨勅權判泉州事三
年加檢校司空閩龍啟元年閩王昶通文元年移刺建州延
刺泉州繼崇後唐長興元年閩王墨勅權判泉州事三
王審知字信通狀貌雄偉隆準方口出入常乘白馬軍
觀察使潮以審知為副使有過失猶加璽捷審知無
怨愠色及潮寢疾捨其子命審知權節度事讓於審
邽邽不許詔審知檢校刑部尚書節度觀察使留後始
潮未入閩閩人謠曰潮水來巖頭沒潮水去矢口出
巖謂陳巖也矢口知也審知既為觀察留後厚事朱
全忠光化元年全忠薦審知為節度使同中書門下

欽定四庫全書

福建通志
卷十七

七

平章事昭宗在鳳翔賜審知朱詔自三品皆得承制
除授天祐初進封瑯琊郡王唐亡梁開平三年如中
書令進封瑯琊王尋封閩王升福州為大都督府是
時楊行密據有江淮審知歲遣使泛海自登萊朝貢
於梁審知雖起盜賊而居身儉約好禮下士常躡麻
屨府舍卑陋未嘗營葺寬刑薄賦公私富實境內以
安一時知名士如唐相王溥子淡楊涉從弟沂唐進
士徐寅輩皆依審知仕宦建學四門以教閩士之秀
者招來海中蠻夷商賈海上黃崎波濤為阻一夕風
雨雷電震擊遂成海為閩人以審知德政所致號
為甘棠港梁亡或勸其自建國審知曰寧為開門節
度不作閉門天子後唐同光三年卒年六十四諡忠
懿

五代王延翰

字子逸審知長子審知卒後唐同光四年
拜延翰節度使是歲莊宗遇弒中國多故

延翰取史記閭越王無諸傳示其將吏曰閭自古王國也不王何待於是軍府將吏上書勸進延翰遂自稱大閩國王宮殿百官皆倣天子之制而猶稟唐正朔延翰為人壯偉美皙如玉妻崔氏淫而悍延翰不能制審知喪未期已徹几筵多選良家子為妾崔氏性妬良家子之美者輒幽之別室繫以大械刻木為人手擊其頰又以鐵錐刺之一歲死者八十餘人崔氏病見崇而死初延翰立驕淫殘暴蔑棄兄弟出其弟延鈞為泉州刺史延翰選良家子時延鈞上書極諫不悅由是有隙建州刺史延稟本姓周審知養子也自審知時與延翰不協因與謀作亂十二月合兵襲福州延稟先至梯城而入執延翰暴其罪惡斬於門外延鈞至延稟納之推為威武留後

王延鈞審部次子也既立更名鏐後唐天成二年拜鏐節度使累加檢校太師中書令三年封閩王初

欽定四庫全書

福建通志卷十七

延稟與鏐之謀襲福州也延稟先執延翰而殺之明日鏐兵始至延稟自以養子推鏐而立之延稟還建州鏐餞於郊臨訣謂鏐曰善繼先志無煩老兄復來鏐叩之長興二年延稟為奉國節度使聞鏐有疾遂率兵攻其西門使其子繼雄將水軍襲南門鏐遣樓船指揮使王仁達拒之仁達伏甲舟中偽立白幟請降繼雄喜登舟伏發刺殺繼雄梟首西門延稟眾潰見執鏐曰子不能繼先志果煩老兄復來遂殺之延稟子繼昇守建州聞敗奔錢塘鏐乃遣其弟都教練使延政如建州慰撫吏民後唐即拜延政為建州刺史長興三年止書請授尚書令不報遂絕朝貢鏐好鬼神道家之說道士陳守元巫者徐彥林與成韶等以左道見信誘鏐建寶皇宮極土木之盛以居守元守元謂鏐曰寶皇命王少避其位後當為六十年天子鏐欣然遜位命其子繼鵬權主府事既而復位遣守元問寶皇六十年後將安歸也守元傳寶皇語曰

欽定四庫全書

福建通志卷十七

當為大羅仙人四年有言真封宅龍見者鏐更命其宅曰龍躍宮遂詣寶皇宮受冊備儀衛入府即皇帝位國號閩改元龍啟追諡審知為昭武孝皇帝廟號太祖立五廟置百官以福州為長樂府閩地狹小國用不足以中軍使薛文傑為國計使文傑多察民間陰事致富人罪而籍沒其資以佐用榜莖之外至用銅斗火熨又說鏐抑挫宗室犯者輒殺之閩人及宗室子皆重足而立從子繼圖不勝憤恚謀反坐誅連坐千餘人文傑又言於鏐曰陛下左右多奸臣非質諸鬼神不能知也薦妖巫徐彥輩察之文傑與內樞密使吳英有隙英病在告文傑省之曰主上以公久疾欲罷公近密適開僕言公但小苦頭痛行將愈矣上或遣使來問慎勿以他疾對也明日使至視英疾至言於鏐曰適見北廟崇順王訊吳英曰汝何故謀反以金鉗擊其首鏐以語文傑文傑曰未可信也宜問其疾何如英果以頭痛對即收下獄命文傑劾治英自誣服並其妻子殺之英嘗典閩兵得軍士心聞英死皆怒先是建州有吳光者文傑利其財將治之光率眾萬人叛入吳至是光請兵於吳吳信州刺史蔣延徽引兵攻建州鏐遣其將王延宗救之兵在道不肯進曰不得文傑不能討賊鏐惜不與太后及福王繼鵬請與之以紓難乃以檻車送文傑軍中文傑善術數自占過三日可無患送者聞之故疾馳二日而至軍士礫文傑於市閩人爭投以瓦石衛食立盡明日鏐使赦之已不及初文傑為鏐造檻車謂古制疎濶乃更其制形如木櫃攢以鐵芒內轡動輒觸之既成而首被其毒云龍啟三年改元永和壬寅達有擒延稟之功典親兵鏐心忌之嘗問仁達曰趙高指鹿為馬以愚二世果有之耶仁達曰秦二世愚故高指鹿為馬非高能愚二世也令陛下聰明朝廷官不滿百起居動靜陛下皆知敢有作威福者族滅之而已鏐慙賜以金帛退謂人曰仁達智畧在吾世猶可

用不可遺後世患卒詎以罪而殺之鑄妻早卒繼室
金氏賢而不見答審知有婢金鳳姓陳氏鑄妻之遂
立為后作九龍帳以居之初鑄妻歸守明以色見
倖號歸郎鑄後得風疾金鳳與歸郎通百工院使李
可殷者又因歸郎以進國人歌曰誰謂九龍帳惟貯
一歸郎鑄婢李春燕有色其子繼鵬蚤之鑄病繼鵬
因金鳳以求春燕鑄快與之次子繼鵬蚤之鑄病繼
鵬繼鵬懼與皇城使李俊圖之永和元年十月鑄饗
軍大酺殿坐中昏然言見延稟來做以鑄病已甚乃
令壯士先殺李可殷於家明晨鑄力疾視朝詰可殷
死狀做出與繼鵬率皇城衛士鼓譟而入鑄匿九龍
帳中亂兵刺殺之未殊宮人不忍其苦為絕之遂殺
繼鵬及金鳳歸郎鑄在位十年

王繼鵬諸衛事做自念有弑君之罪而專制朝政心常

欽定四庫全書

福建通志
卷十七

自疑陰養死士以為備祖患之因大饗軍伏甲擒做
殺之梟首朝門詔暴做罪告諭中外做部曲千人燒
啟聖門奪做首奔吳越錢氏晉天福二年祖遣使朝
貢京師高祖遣散騎常侍盧損冊封祖為閩王拜其
弟繼恭臨海郡王祖以已既襲為帝不受冊稱疾不
見令弟繼恭主之損還祖無所答繼恭遣其佐鄭元
弼隨損貢方物致書晉大臣述祖意求以敵國禮相
往來高祖怒下詔暴其罪歸其貢物兵部員外郎李
知損上書請藉沒其物而禁錮其使者於是下元弼
獄獄具引見元弼俯伏曰祖處荒微不知禮義陛下
方示大信以來遠人臣將命無狀願伏斧鑕以贖祖
罪高祖乃赦元弼遣歸祖亦好巫拜道士譚紫霄為
正一先生又拜陳守元為天師信重之更易將相刑
罰選舉皆與之議受賂請託其門如市嘗教祖作三
清臺三層於禁中以黃金數千斤鑄寶皇及元始天
尊太上老君像晝夜作樂焚香禱祝冀得大還丹妖

人林興以巫見幸事無大小興輒以寶皇語命之而
後行祖忌其叔延武延望三年夏虹見宮中興託神
語曰宗室將為亂乃命興率壯士殺延武延望及其
子五人後興事敗亦被殺祖愈惑亂立父婢春鶯為
淑妃尋立為后百役繁興用度不足有司除官皆令
納賂籍而獻之以貨多寡為差又遣醫人陳究以空
名堂牒賣官於外民有隱年者杖背隱口者死逃亡
者族果菜雞豚皆重征之祖弟繼嚴判六軍諸衛事
疑而罷之以季弟繼鏞代閭初以太祖元從為拱宸
控鶴二都祖更募壯士為腹心號宸衛都賜予獨厚
於他軍控鶴都將連重遇拱宸都將朱文進皆以此
怒激其軍祖好為長夜飲強羣臣酒醉則令左右伺
其過失從弟繼隆醉失禮斬之叔父延義陽為狂愚
以避禍祖衣以道服幽於私第數侮拱宸控鶴二軍
將天福四年北宮火祖疑重遇軍士所為內學士陳
郊素以便佞為祖所親信祖語以火事郊以告重遇

欽定四庫全書

福建通志
卷十七

重遇懼夜率衛士縱火焚南宮祖挾愛姬子弟黃門
衛士斬關而出宿於野次重遇迎延義立之延義今
其子繼業率兵襲祖及之射殺數人祖知不免擲弓
於地繼業執而殺之併其妻子皆死無遺類諡祖曰
宗康

王延義

審知少子既立更名曦改元永隆遣使朝貢於
相王侯每抑折之曦亦憚侯不敢有所發新羅遣使
聘閩以寶劍袒舉以示侯曰此將何為侯曰不忠不
孝者斬之義居旁色愛曦既立新羅復獻劍曦思侯
前言而侯已死命發塚戮其尸侯面如生血流被
體是年秋曦自稱大閩皇冬復稱帝泉州刺史余廷
英嘗矯曦命掠取良家子曦怒下御史劾之廷英進
買宴錢千萬曦曰皇后貢物安在廷英又獻皇后錢
千萬乃得不劾曦嘗嫁女朝士有不賀者答之御史

欽定四庫全書

福建通志

卷十七

中丞劉贊坐不糾舉將加咎諫議大夫鄭元弼切諫
似唐太宗臣為魏鄭公可矣嘆喜乃釋贊弟延政
為建州節度使封富沙王與議不協數舉兵相攻
由此惡其宗室多以事誅之妻李氏捍而酒賢
妃尚氏有色而寵李仁遇議甥也以色嬖之用以為
相國計使陳匡範增其數乃借於民以足之匡範以
實也其後知入不登其數乃借於民以足之匡範以
憂死其後知入不登其數乃借於民以足之匡範以
為牛飲羣臣侍酒醉而不勝有訴其私棄酒者輒殺
之諸子繼柔棄酒殺其贊者一人他日又宴侍臣皆
以醉去獨翰林學士周維岳在嘆曰維岳身甚小何
飲之多左右曰酒有別腸嘆欣然命剖視之左右曰
殺維岳無人復能侍陛下劇飲者乃止諫議大夫黃
峻昇觀詣朝堂極諫嘆怒貶漳州司戶參軍校書
郎陳光逸上書疏嘆過惡五十餘事嘆命衛士鞭之

王延政

審知子晉天福六年延政請於曦欲以建州為
威武軍自為節度使曦以建州為鎮安軍延政為
為節度使封富沙王延政改鎮安為鎮武數以書諫
曦滔虐曦怒遣杜建崇監其軍延政逐之曦乃起兵
攻延政不從曦使者至延政語悖慢承祐長跪切諫
延政怒顧左右曰判官之內可食乎承祐聲色愈厲
延政即於建州建國稱殷改元天德以承祐為吏部
尚書楊思恭為兵部尚書同平章事時國小民貧軍
旅不息思恭增山澤田畝之稅魚鹽蔬果皆倍征之

欽定四庫全書

福建通志

卷十七

承祐復上書言十事甚切直延政削其官爵歸私
第連重遇既殺曦集閩羣臣告曰昔太祖武皇帝親
冒矢石遂啟有閩及其子孫淫虐不道天厭王氏百
姓與能當求有德以安茲土羣臣皆莫敢言乃掖朱
文進升殿率百官北面而臣之文進以重遇判六軍
諸衛事王氏子弟在福州者無少長皆殺之以黃紹
頗守泉州程贊守漳州許文鎮守汀州稱晉年號時
開運元年也泉州軍將留從効因州人共殺紹頗送
首建州迎王繼勳為刺史漳州人聞之亦殺贊迎王
繼成為刺史以歸延政文鎮懼舉汀州降延政遂得
三州地福州裨將林仁翰殺重遇并斬文進傳首建
州二年閩之故臣共謀迎延政歸福州南唐李景開
閩亂發兵攻之延政以方有唐兵未暇徙都遣其從
子繼昌守福州今指揮使王仁諷將兵衛之賞仁翰
甚薄仁翰不自言其功發兩軍甲士萬五千人詣建
州以拒唐兵初光州人李仁達浦城人陳繼珣俱叛
延政奔福州二人至是不自安說仁諷殺繼昌仁達
欲自立懼眾不附以雪峰寺僧卓嚴明示眾曰此非
常人也被以袈裟率諸將吏北面臣之延政聞之族
仁諷家命統軍使張漢真將水軍會漳泉兵討之漢
真至福州嚴明無他家誅滅開門力戰執漢真斬之
法事而已仁諷聞其家誅滅開門力戰執漢真斬之
仁達自判六軍諸衛事使仁諷屯西門繼珣屯北門
而與人殺之非信與建兵戰所殺皆鄉曲故人非仁
棄妻子使人魚肉之非義因拊膺慟哭仁達聞而殺
之由是兵權盡歸仁達乃大閱戰士令軍士突前刺
殺嚴明眾共推仁達使居嚴明之坐自稱威武留後
奉表稱藩於李景亦遣使入貢於晉景以仁達為威
武軍節度使更其名曰弘義及景兵攻破建州延政
遂降景景遷其族於金陵以為饒州節度使進封鄴
陽王是歲南唐保大四年也南唐將查文徽與樞密

使陳覺勸景乘勝并取仁達覺曰臣能不兵而致之
景以覺為宣諭使召仁達入朝仁達不從覺還至建
州矯發汀建信撫州兵攻之時樞密使魏岑安撫漳
泉聞覺起兵亦發兵應覺景怒翰林學士馮延巳等
言兵已行不可止乃以王崇文為招討使王建封為
副使益兵會之以中書舍人馮延魯與魏岑陳覺監
其軍仁達懼遂送款於吳越錢氏時吳越王錢佐鏐
之孫元瓘之子也立時年十三諸將皆少之佐乃立
黜其大將之不法者由是懾服會仁達求救於佐佐
召諸將與計皆不欲行佐奮然曰吾為元帥乃不能
舉兵耶諸公皆吾家所蓄士敢有異議者斬乃遣統
軍使張筠趙承泰等率兵三萬水陸赴援遣將普軍
號令整肅大敗景兵延魯等遁去獲其將楊業蔡遇
等遂取福州而還遣兵戍之佐立七年卒贈忠獻王
國人立佐弟景尋被廢乃立倣
倣使佐子昱守福州後歸於宋

欽定四庫全書

福建通志
卷十七

十四

宋福王與芮

理宗弟咸淳三
年由崇王進封

益王昱

度宗長子母楊淑妃封為吉王德祐二年正月
元兵逼臨安進封益王判福州陳宜中等奉為

天下兵馬都元帥廣王昀副之開府福州發兵除吏
以秀王與擇為福建察訪使先入閩中撫吏民諭同
姓檄名諸路忠義同獎王室五月朔
即位於福州改元景炎是為端宗

興化府

泉州府

陳南安王叔儉

宣帝

五代畱從効

永春人幼孤事母兄以孝悌聞頗知書好
兵法晉天福末朱文進殺閩王曦據位署

其黨黃紹頗為泉州刺史從効時為泉州散指揮使
與王忠順董思安等議曰吾屬世臣王氏令其子孫
為文進魚肉我等坐視可謂忠乎乃置酒從効家募
死士陳洪進等五十二人持白挺乘夜入城劫庫兵
擒紹頗斬之立審邦孫繼勳為刺史從効等三人自
署為統帥洪進等皆為指揮使繼勳令洪進送紹頗
首於建州奉延政為主文進來攻從効大破之會李
景兵至延政降南唐從効亦以兵劫繼勳送之金陵
自領泉漳二州畱後景即建泉州為清源軍授從効
節度泉漳等州觀察使累遷同平章事兼侍中中書
令封鄂國公晉江王從効在郡專以勤儉養民知人
疾苦恒衣布素置公服中門側出乃服之嘗言我世
貧賤不可忘本郡人愛之部內安治王氏有二女適
人從効奉之甚謹資給豐饒每歲取進士明經謂之
秋堂周世宗征淮南李景以兵十萬保紫金山從効
累表言頓兵老師形勢非便既而果敗江北之地盡
為周有因遣牙將蔡仲贊為商人以帛書表置革帶
中自鄂路送欵於周又遣別駕黃禹錫間道表貢世
宗嘉納從効又乞置邸京師世宗以其素附江南慮
非便且是時與李景畫江為界遂不納從効臣景如
故會景遷洪州從効疑其徙地近閩且圖已頗懼遣
從子紹錡賫厚幣獻景宗初上表稱藩遣使假道吳
越入貢太祖特命使者入閩賜撫之使未至
從効疽發背卒景贈從効大尉靈州大都督

欽定四庫全書

福建通志
卷十七

十五

謝圖南

同安人以才兼文武舉歷
官封開國男食邑本縣

宋陳洪進

仙遊人幼有壯節頗讀書習兵法及長以材
勇聞隸兵籍從攻汀州先登補副兵馬使從

畱從効殺黃紹頗王繼勳使麾下送紹頗首於建州
眾以道阻賊威憚不敢行洪進獨請往至尤溪賊眾
數千遮道洪進給賊曰福泉二州已為義師所襲爾
輩復為何入戍守即持紹頗首示之曰我送此建州

欽定四庫全書

福建通志

卷十七

迎嗣君歸國爾輩將安歸乎賊遂潰渠帥數人皆聽命洪進至建州延政大悅以為本州馬步行軍都校既而遣歸泉州及延政入江南景以從効為清源軍節度使洪進為統軍使與副使張漢思同領兵柄累立戰功從効卒少子紹鑑典留務月餘洪進誣紹鑑將召吳越人以叛執送江南推漢思為留後自為副使漢思年老醇謹不能治軍事事皆決於洪進漢思病其專因大饗將吏伏甲謀殺之酒數行地忽大震棟宇垂傾坐立皆不自持同謀者以告洪進洪進急起眾驚悸散漢思見事不成慮洪進先發常嚴備之洪進子文顯文顯皆為指揮使勒所部欲擊漢思洪進不許一日從二子常服安步入府叱散直府兵時漢思方處內齋洪進即出袖中巨鎗反閉之使呼於郎門曰郡中軍吏皆欲陳君知留務眾情不可違當以印見授漢思猝不知所為出印門隙與之洪進即召將校吏士告之曰張公老矣授我以印使我領郡事眾皆賀洪進遷漢思別墅以兵守之請命於江南李煜煜以洪進為清源軍節度泉州等州觀察使時宋太祖平澤潞下揚州取荆湖威震四海洪進心懼遣衙將魏仁濟間道奉表自稱清源節度副使權知泉州等州軍府事且言張漢思年老不能御眾請臣領之恭聽朝旨太祖遣通事舍人王班賁詔撫諭建隆四年遣使兩入朝貢乾德二年制改清源軍為平海軍授洪進節度泉漳等州觀察使檢校太傅賜號推誠順化功臣鑄印賜之以文顯為節度副使文顯為漳州刺史及江南平吳越王入朝洪進不自安遣文顯入貢太祖因詔召之遂入覲至南劍州聞太祖崩歸鎮發哀太宗即位加檢校太師明年入朝朝廷遣翰林使程德元至宿州迎勞之既至賜錢千萬白金萬兩絹萬疋增其食邑洪進遂上言願以所管泉漳永郡獻於有司太宗優詔嘉納以洪進為武寧軍節度使同平章事留京師奉朝請諸子皆授近郡賜

白金萬兩各令市宅六年封杞國公雍熙元年進封岐國公洪進年老富貴且極上言求致仕優詔免其

朝請二年以疾卒贈中書令諡曰忠順

廣王曷

度宗第三子初為信王德祐二年進封廣王判泉州尋進封衛王端宗崩陸秀夫奉帝嗣位時

年八歲改元祥興既而徙居厓山陸秀夫負之投海是為帝昺

國朝鄭鳴駿

遵義鄭績緒慕思施琅靖海侯世襲事

漳州府

明陳秀

字文崑海澄人崇禎末封武剛伯順治初歸順正黃旗世襲阿達哈番

國朝陳輝

字燦珠海澄人明崇禎末封忠靖伯明亡後遂率所部歸誠總督李率奏請於朝封慕仁

欽定四庫全書

福建通志

卷十七

伯黃梧

一等海澄公世襲黃芳度梧長子襲封一等

封王爵黃芳世

梧從子襲一等海澄公計人物傳黃芳泰芳世胞弟

海澄公加黃應

芳度子襲封黃廷慕義周全斌承

太子太保

延平府

劉宋南平王休元

文帝第二子元嘉十六年封

齊南平王銳

高帝第五子南平郡王寶修字智宣明帝第九

年改封邵陵王中興二年謀反賜死

建寧府

劉宋建安王休仁 文帝第十二子元嘉二十九年封

齊建安王子真 武帝第九子

陳建安王叔卿 宣帝第五子大建四年封

宋建王睿 太祖六世孫秀王偶之子紹興五年封建國公三十年進封建王高宗禪位是為孝宗

建安郡王禕 太祖十一世孫福王與芮之子初賜名孜淳祐十一年封建安郡王理宗立為皇太

子後即位是為度宗

邵武府

欽定四庫全書

福建通志卷十七

十六

汀州府

宋彭孫 連城人封隴西郡開國侯食邑千六百戶

元羅良 長汀人元至正間散資募士捕殺漳州山寇提兵解福州圍以功陞福建右丞兼廣東道宣慰

司都元帥特授資政大夫進封晉國公

國朝劉國軒 長汀人天津總兵封伯贈太子少保

福寧府

臺灣府

永春州

國朝林興珠 建義將軍建義侯

龍巖州

欽定四庫全書

福建通志卷十七

十九

福建通志卷十七

欽定四庫全書

福建通志卷十八

學校

學言效也校者教也古者建國君民教學為先蓋王化之始基士遊其間所由明倫育德陳藝以底於成胥是道也閩自唐李椅始勸民學常觀察繼之大興學校每歲貢士與中州齒至宋而海濱四先生出楊羅李朱接踵挺生閩南道學匹瀛洛而上接洙泗由是觀之學校之關於人才非細眇也

欽定四庫全書

福建通志卷十八

國家

我

列聖相承首重學校頒卧碑飭士子廣勵學宮意良厚矣

皇上臨雍訪道崇

聖追封前後

錫扁立碑光騰庠序比復頒定經書詳定禮樂祭器木

鐸所徇山陬海澨儒風丕振閩士生今宜何如奮勵以副作人之化也夫規模大備則德意旁敷禮器既陳則景行倍切詩有云鼓鐘於宮聲聞於外言名實之相應也履斯地者尚亦畏神服教而無忝章逢哉志學校

福州府

福州府儒學

在城南興賢坊中為大成殿左右兩廡殿之南為戟門又南為櫺星門門內左為更衣所為名宦祠右為齊宮為鄉賢祠學在廟之東中為明倫堂堂左右為四齋曰志道依仁據德游藝

欽定四庫全書

福建通志卷十八

南為儀門門外為泮池上跨石橋下通三元溝潮沙出入焉橋之南為大門東為宰牲房為奎光閣西為神厨為常衮祠堂之北為尊經閣又北為啟聖祠祠路從堂西角門折而入堂東北為米廩為饌堂東為教官宅五所為諸生學舍敬一亭在堂之東南勒明世宗敬一歲併范浚心歲程頤四歲凡六碑射圃在堂之東北有亭額曰觀德云先是唐學宮在今布政司西觀察使李椅始移於此宋轉運使楊克讓郡守范允許宗壽王祖道教授常濬帥守王鎔吳革元憲使趙宏偉教授劉直陳俊屢有增建明洪武四年燬於火七年知府楊士英建後知府唐珣胡有恒巡撫龐尚鵬御史陳永復提學熊高文相繼修葺國朝康熙十一年重建大成殿三十年明倫堂為颶風折壞三十二年總督興永朝巡撫卞永譽重建三十八年督撫司道府縣紳士重建尊經閣教官宅今僅存二所諸生學舍俱廢雍正元年奉文府州縣學啟

聖祠俱改為崇聖祠八年布政使潘體豐申請督撫重修大成殿
洋額歲試取進文童各二十名
科試取進文童二十名雍正元年特恩加洋額一次大學中學小學俱
次府學及大縣學俱七名中縣學俱五名小縣學俱三名乾隆元年
特恩加洋額一次大學中學小學俱名數如前
學租順治五年派定一十七兩八錢康熙二十一年總督姚啟聖捐置學田一百一十四畝九分
五十六年巡撫陳瓊捐置學田一百一十四畝九分
零坐產侯官
縣六都七都

四旗清書官學

在閩縣板平巷
雍正六年設立

閩縣儒學在九仙山之麓中為大成殿殿南為戟門
又南為櫺星門明倫堂在大成殿後其門
東向左右二齋曰居仁由義教官宅在學官之後尊
經閣在教官宅之北諸生學舍米廩饌堂皆備焉學

欽定四庫全書

福建通志
卷十八

初創於宋慶厯間後知縣方叔完莊誼修之元至元
間燬學官丁堯新之其後縣尹吳鼎張德教諭陳振
玉學官高子琳蔣景說明御史陳仲述副使李惟益
御史陳永復丁澄顧儼尹仁僉事鍾城知府鄭時唐
珣相繼修葺國朝順治十八年縣令周雍時移縣
治於學宮概行毀廢僅存文廟明倫堂歲久傾圮
康熙二十年知縣祖寅亮教諭顧綸贊請於上官合
紳士同力捐修併移建文昌閣教諭宅左明倫堂右
訓導宅在明倫堂左雍正元年奉文建崇聖祠在
大成殿右九年知縣張堂署縣同知楊瑞祥教諭黃
呈元訓導黃席正申請上官重修大成殿洋額
原歲試取進文武童各十五名科試取進文童十五
名雍正二年奉文准照府學歲科兩試各取進文童
二十名學田原額一千八百四十八畝一分零坐
產鼓山合北二里實徵學租銀五百三十三兩二錢
三分零康熙二十一年總督姚啟聖捐置田二十六

畝二分零五十六年巡撫陳瓊捐置田八畝
十六畝一分零坐產高惠歸善崇賢等里書院曰龍
院在左三坊康熙四十八年巡撫張伯行建設捐置
田業以供諸生膏火五十年巡撫賜三山養秀扁額
雍正九年巡撫趙國麟重修增設學舍廣集生徒親
臨講學雍正十二年奉文給帑金千兩以資膏火巡
撫盧焯課督實社學曰振文在舊縣前街之北曰河
行士習以端易俗里曰昌際在南津坊溫泉坊內曰龍臺在左三
坊曰崇正在喜壽坊曰龍臺曰長橋曰沙合俱在嘉
崇里曰藤山在時昇里今俱廢雍正音書院一在海
正二年新設在南關外文昌舖
在華林寺雍正
七年奉文設立

侯官縣儒學在縣治東官賢坊內右為文廟戟門外
有泮池左為明倫堂堂之北為尊經閣閣

欽定四庫全書

福建通志
卷十八

下為養賢堂其東又有閣曰奎文齋舍廡宇皆備焉
先是學創於宋慶厯間知縣方叔完莊誼修之元景
定間燬於火縣尹鄧衍新之割縣東地以闢西廡其
後縣尹魏揚祖明知縣姚德布政使周頤教諭羅倫
御史丁澄鎮守尚書薛希璉知府唐珣胡有恒提學
熊尚文相繼修葺國朝康熙十九年督學孫期昌
知縣姚震同紳士捐修文廟雍正元年奉文建崇
聖祠在文廟左八年知縣陳克嵩重修洋額取
進名數視閩縣學田原額三百六十五畝九分零
實徵學租銀六十二兩三錢五分零康熙二十一年
總督姚啟聖捐置田三十八畝六分零五十六年巡
撫陳瓊捐置田六十三畝七分零坐產閩縣崇賢歸
善二書院曰共學書院在西門街北舊懷安縣學明
里
熙二十四年巡撫李斯義修葺學舍延師課士於其中
四十五年巡撫李斯義修葺學舍延師課士於其中

一時文風稱盛焉曰登雲書院在登雲坊內曰道山書院在烏石山麓曰拙齋書院在三山驛前曰三山書院在西關外西湖之上曰古靈書院在古靈溪旁曰瓜山義學在十二都以上惟共學書院存餘俱廢

社學 曰博文曰實文俱在右三坊曰文林在閩山廟巷曰應文在右一坊曰懷西在保定營曰懷南在善化坊曰懷東在將軍山南曰越峯在華林坊今俱廢雍正二年新設在文儒坊舖

正音書院 在共學書院一在文儒坊舖雍正七年奉文設立

長樂縣儒學 在縣治東興賢坊內中為大成殿殿西前為名宦鄉賢祠齋舍廡宇皆備焉射圃在學西南山塔下有觀德堂堂前為正志軒學建於唐乾符間至宋元祐始備其制明知縣任衡羅叙王渙龍琰蔣以忠夏允彝相繼修闢國朝順治四年燬於寇六

欽定四庫全書 福建通志卷十八

年重建教官宅僅存未燬者一所云泮額取進名數視閩縣學田明知縣吳遵括廢寺田園六百六十四畝三分輸之學隨為里胥侵沒知縣蔣以忠復之國朝順治間邊界田荒康熙間復界陸續報墾二百五十一畝四分零實徵學租銀五十一兩九錢五分零二十一年總督姚啟聖捐置田三十一畝三分

分書院 曰德成書院曰龍峯書院俱在方安里曰藍田書院在十六都曰南山書院在塔旁曰鳳岐書院在社學曰高隍在縣治西曰河陽在平政門十五都

社學 曰龍南在十都曰石梁在十五都曰阜林在二十都雍正二年新設

正音書院 在城中雍正二所一在古縣鄉一在厚福鄉

文設 立

福清縣儒學 在縣治東右為大成殿左為明倫堂殿南為東西廡為戟門為櫺星門門左右為

名宦鄉賢祠堂南為東西序為儀門為泮池堂左為崇聖祠齋舍廡宇皆備焉射圃在明倫堂倉後有亭曰觀德學建於宋元豐初邑人提舉游冠卿所捐地也後知縣方叔完劉敦曹進副使程文海知州母達辰賈思恭州判乃麻歹皆修葺焉至正九年知州林泉生乃更正其制明僉事牟俸知縣龐璵邑人都御史陳仕賢知縣督應元葉夢熊許夢熊歐陽勤相繼增修國朝康熙二十一年重葺三十九年邑人封奉政大夫李日燦重建泮額取進名數視閩縣學田原額二百五畝零實徵租銀二十二兩三錢六分零康熙二十一年總督姚

書院 曰龍江書院在海啟聖捐置田五十畝五分

社學 曰蒙亨在北隅後坡石塘書院在縣東福唐里曰社學曰養端在西門曰西塘在官塘邊曰崇文曰擢英俱在南隅場前曰永安在南隅鄭巷曰文在在縣前曰仰高在南下隅曰玉

欽定四庫全書 福建通志卷十八

井在北隅上井曰中峯在光賢里

正音書院 在明倫堂左雍正二年新設在城北明德書院

連江縣儒學 在縣治東南東為文廟名宦祠鄉賢祠在戟門左右崇聖祠在廟後西為明倫堂為稽古閣堂南為泮池泮池之外為鳳池學宮後有尼山射圃在其西隅學初在縣治東宋嘉祐間知縣朱定創之紹興間始移今所淳熙八年邑人鄭鑑言於今蘇懋改其制南向其後知縣趙汝訓鄭沆元縣尹承爾佳德明成和教官徐復平章揚珠布哈秘書監貢師泰明泰政蔡潮知縣歐陽瀚凌王璣郭軒向鎬張賢教官鄭嗣善馬子駿相繼修葺建萬厝間尚書吳文華言於有司大葺之崇禎間燬於火國朝康熙

光閣 雍正七年奉文設立

十一年重建後又圯於風十七年復重修雍正二年署縣張兆鳳三年知縣劉良璧五年知縣彭之曇相

繼修葺 洋額原歲試取進文武童各十二名科試
取進文童十二名雍正二年奉文准照大學歲科兩
試各取進文童十五名 學田原額五十四畝零邑
人吳文華捐置嗣因遷移報荒復界後實存田四十
五畝二分零年徵租銀一十九兩三錢一分零康熙
二十一年總督姚啟聖捐置田一十三畝四分知縣
王仁灝捐置田三畝八分零教 社學 在縣治東雍正
諭富懋業捐置學租六百斛 社學 二年新設在縣
內 正音書院 在縣治朱文公書院內

羅源縣儒學

在縣治東南西為大成殿殿南戟門左
右為名宦鄉賢祠殿後為崇聖祠左為明

倫堂齋舍廡宇皆備馬射圃在縣治右學始於宋慶
應間知縣陳偶建舊在四明寺南知縣袁符始移今
所其後主簿廖晚邑人黃序教諭林興祖元縣尹丁
德孫明教諭黃綬典史謝志保知縣湯文瑞陳瓊同

欽定四庫全書

福建通志
卷十八

七

知章濟知縣麥瑾李南徐珪訓導柴琬知縣鄧公善
吳周相繼修葺 國朝順治間知縣李彥珂康熙間
知縣張四維蔡彬王楠教官林岱張昇蔡璧鄭沂先
後修建 泮額歲試取進文武童各八名科試取進

文童八名 學田實在二十九畝八分零年徵租銀
三兩六錢康熙二十一年總督姚啟聖捐置田一十

一畝二 社學 曰縣東曰拜井曰梅溪曰善化曰招賢
分零 曰臨濟曰新豐曰徐公曰羅平曰林洋

曰黃童俱以里名今廢雍正二年新設三 正音書院
所一在舊行舖一在大獲舖一在聖壇舖

在縣城內雍正
七年奉文設立

古田縣儒學

在縣西隅右為文廟名宦祠在戟門東
鄉賢祠在戟門西左為明倫堂齋舍廡宇

皆備馬射圃在學旁學始於宋景德間知縣李堪建
紹興中燬於寇知縣周邦雅移創西郊其後屢移至

寶祐二年知縣許鑒始定今所明知縣鄧恭主簿龔
鉞御史羅澄教授周瑄知縣汪璫縣丞吳儀副使楊
澤知縣屠容御史李如奎胡文靖同知葉符知縣周
達劉倫知府胡有恒知縣楊存禮教諭葉宗舜知縣
劉曰陽相繼增建 國朝順治三年燬於寇後知縣
吳來儀建之至康熙二十年又加修葺 泮額歲試
取進文武童生各八名科試取進文童生八名 學
田原額一百三十一畝七分零實徵學租銀二十一
兩三錢康熙二十一年總督姚 書院 曰溪山書院在
啟聖捐置田二十六畝六分 書院 縣北有朱熹扁
曰溪山第一曰浣溪書院在八都曰螺峯書院在九
都曰崇正書院在南門外以上惟溪山書院存餘俱
廢曰玉泉書院在園關 社學 在杉洋村雍正
國朝運同陳大輦建 社學 正二年新設 正音書院
在一保玉堂坊左雍正
正二年奉文設立

欽定四庫全書

福建通志
卷十八

八

屏南縣儒學

在縣治東中為大成殿殿前儀門左右
為名宦鄉賢祠明倫堂崇聖祠左殿邊外

有興賢坊育才坊萬仞宮牆雍正十二年建 泮
額歲試取進文武童各八名科試取進文童八名 正

音書院 在城內雍正
十二年設立

閩清縣儒學

在縣治東南中為大成殿殿明倫堂在殿
北尊經閣在殿南射圃在學東學始於宋

景德間知縣史溫建其後元縣尹董禎賈光祖明知
縣趙起居沈源朱毅葉宗泰辛節左輔俞咨龍教諭

馬能葉春及相繼修建 國朝雍正六年知縣何琬
捐修 泮額名數視羅源縣 學田原額二百三十

五畝實徵學租銀二十三兩五錢五分康熙二 社學
十一年總督姚啟聖捐置田十七畝八分零

在城南文昌閣 正音書院 在文昌閣雍正
雍正二年新設 正音書院 七年奉文設立